



Torah écrite (pentateuque) - Genèse

Chapitre 3

- 3,1 והנחש, היה ערום, מכל תית השדה, אשר עשה יהוה אלהים; ויאמר, אל-האשה, אף כי-אמר אלהים, לא תאכלו מכל עץ הגן.
3,2 ותאמר האשה, אל-הנחש: מפרי עץ-הגן, נאכל.
3,3 ומפרי העץ, אשר בתוך-הגן--אמר אלהים לא תאכלו ממנו, ולא תגעו בו: פן-תמתון.
3,4 ויאמר הנחש, אל-האשה: לא-מות, תמתון.
3,5 כי, ידע אלהים, כי ביום אכלכם ממנו, ונפקחו עיניכם; והייתם, כאלהים, ידעי, טוב ורע.
3,6 ותרא האשה כי טוב העץ למאכל וכי תאוה-הוא לעינים, ונחמד העץ להשכיל, ותקח מפריו, ותאכל; ותתן גם-לאישה עמה, ויאכל.
3,7 ותפקחנה, עיני שניהם, וידעו, כי עירמם הם; ויתפרו עלה תאנה, ויעשו להם חגרת.
3,8 וישמעו את-קול יהוה אלהים, מתהלך בגן--לרוח היום; ויתחבא האדם ואשתו, מפני יהוה אלהים, בתוך, עץ הגן.
3,9 ויקרא יהוה אלהים, אל-האדם; ויאמר לו, איכה.
3,10 ויאמר, את-קלך שמעתי בגן; ואיכא כי-עירם אנכי, ואחבא.
3,11 ויאמר--מי הגיד לך, כי עירם אתה; המן-העץ, אשר צויתך לבלתי אכל-ממנו--אכלת.
3,12 ויאמר, האדם: האשה אשר נתת עמדי, הוא ונתת לי מן-העץ ואכל.
3,13 ויאמר יהוה אלהים לאשה, מה-זאת עשית; ותאמר, האשה, הנחש השיאני, ואכל.
3,14 ויאמר יהוה אלהים אל-הנחש, כי עשית זאת, ארור אתה מכל-הבהמה, ומכל תית השדה; על-גחונך תלך, ועפר תאכל כל-ימי חייך.
3,15 ואיכה אשית, בינך ובין האשה, ובין זרעך, ובין זרעה: הוא ישופך ראש, ואתה תשופנו עקב. {ס}
3,16 אל-האשה אמר, הרבה ארבה עצבונך והרבה--בעצב, תלדי בנים; ואל-אישך, תשוקתך, והוא, ימשל-בך. {ס}
3,17 וילאדם אמר, כי-שמעת לקול אשתך, ותאכל מן-העץ, אשר צויתך לאמר לא תאכל ממנו--ארורה האדמה, בעבונך, בעצבון תאכלנה, כל ימי חייך.
3,18 וקוץ ודורדר, תצמיח לך; ואכלת, את-עשב השדה.
3,19 בזעת אפך, תאכל לחם, עד שובך אל-האדמה, כי ממנה לקחת: כי-עפר אתה, ואל-עפר תשוב.
3,20 ויקרא האדם שם אשתו, חוה: כי הוא היתה, אם כל-חי.
3,21 ויעש יהוה אלהים לאדם ולאשתו, כתנות עור--וילבשם. {פ}
3,22 ויאמר יהוה אלהים, הן האדם היה כאחד ממנו, לדעת, טוב ורע; ועתה פן-ישלח ידו, ולקח גם מעץ החיים, ואכל, וחי לעלם.
3,23 וישלחהו יהוה אלהים, מגן-עדן--לעבד, את-האדמה, אשר לקח, משם.
3,24 ויגרש, את-האדם; וישכן מקדם לגן-עדן את-הכרבים, ואת להט החרב המתהפכת, לשמר, את-דרך עץ החיים. {ס}



A la découverte du Beth Hamikdash

Un livre référence sur le Temple de Jérusalem. Une centaine d'illustrations et une description encyclopédique du Beth Hamikdash et de son histoire.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions